

Conflicto entre Mary y Watty pa motibo "Don Carlo's"?

ORANJESTAD (AAN): Pa algun tempo caba ta bruy algo na horizonte entre e dos mandatarionan Vos y Wever.

Un tempo nan tabata manera ruman con otro, para banda di otro y defende nan color y e partido blauw, esta RUBA.

Cu tempo tanto Marco Christian, Mary Wever y Watty a integra den AVP, pero tur tres a sa di mantene nan posicion fuerte cu awe e trio ta ocupa funcionnan clave den Gabinete Eman.

Mary Wever como ministro di labor, Watty Vos como ministro di Justicia, mientras Marco Christian mester a baha pa Eddy ocupa e funcion como presidente di Staten.

Mientras segun informe tabata palabra den pasado cu na momento cu ministro di justicia ta den exterior, esun di labor lo reemplace.

Pero den e caso entre Mary y Watty esaki pa motibonan te awe desconoci no tabata funciona manera cu si tabata e caso entre otro coleganan ministro.

Pa motibo no conoci, a bin un cambio den e maneho y como reemplazante di ministro di justicia a fungi ministro presidente Henny Eman.

No ta conoci si e ministro di labor sea no ta apto pa reemplaza su colega of e ministro mes a prefera miho "no" o cu den su mesun seno nan no kier pa e reemplaza ministro di husticia debi cu e no lo tin preparacionnan pa cu esaki.

Pero recientemente a surgi un problema cu su portanan a worde sera, entre otro segun informe, pa motibo di problema cu belasting.

Aparentemente e doño encuestion lo a pasa, paga, cumpra of bende, pero e establecimiento a habri bao otro nomber.

Esaki lo a lanta poco stof y pa cual e ministro di labor a bay asina leu y a expresa cu e lo manda investiga e caso profundamente.

Pa por investiga e caso profundamente, aparentemente e ministro concerni lo mester acudi den consejo di ministro pa haya luz berde pa asina pone e caso den man di ministerio publico.

Aparentemente esaki lo no a sosode y expresionnan haci a pone cu lo a mishi cu despacho di ministro di justicia.

Parce cu debi cu no tin un coordinacion entre e ministro concerni lo a surgi conflicto pa cual awor tin un mal entendimiento formal entre Watty y Mary relaciona cu Don Carlo's.

E desaroyo ta worde sigui di

acerca door di propio miembro den AVP y coleganan ministro pa evita cu lo por bin un crisis den gobierno.

Pa colmo abogado di "Don Carlo" den e caso aki tambe sea ta ex miembro of palanca di AVP, cu no a gusta expresion haci di parti di "Mary Wever.

Den pasado caba pa motibo di "Postema" e gobierno Eman a rebenta for di otro y awor esaki por para bira e asunto di "Don Carlo's".

E desaroyo aki sea ta termina na bon of malo ya cu conociendo "Mary" e lo no dal ningun paso atras corda na banda.

Nuebe persona herida door di 'batata'.. Hospital a yuda 28 persona pa motibo di clapchi Mester a opera 4 persona debi na vuurwerk!

ORANJESTAD (AAN): Sheila Arends, kende ta di Asuntunan di Personal y Relacionista Publico di Dr. Horacio Oduber Hospital, a indica cu entre 31 di December 1998 y 2 di Januari 1999, Departamento di Emergencia a ricibi mas o menos 300 pacient pa tratamento.

Exactamente 6 pacient a worde atendi pa motibo di accidente di auto, di cual 1 a fayece, y 1 a worde interna pa observacion. Tambe tin 1 pacient pa motibo di accidente di brommer, y e tambe a keda interna.


Pa loke ta trata Clapchi. Hospital a atende 28 persona

na Eerste Hulp entre 4 y 70 aña di edad. Di tur esaki, 6 ta femenino y 22 ta masculino.

Nuebe di e personanan aki a worde atendi pa motibo di "batata", y diestres a haya herida na man. Tabatin 6 persona cu mester a keda interna, di cual 4 mester a worde op-

era. Otro casonan ta trata di 55 trauma (golpinan na cualkier parti di curpa), 35 pa gastroenteritis (stoma y tripa), 5 caso pa motibo di abuso di alcohol, y 2 pa maltrato. E resto di tratamentonan tabata di menos emergencia.

BON AÑA ARUBA!!



TELEFONNAN
DI DIARIO
826747
FAX
828551